



Broj: JN05-16-4-50-6/18
Sarajevo, 22. 11. 2018. godine

Na temelju članka 69. stavak (1) tačka a), članka 70. i članka 89. Zakona o javnim nabavama Bosne i Hercegovine („Službeni glasnik Bosne i Hercegovine“ broj: 39/14), ministar pravde Bosne i Hercegovine, d o n o s i

O D L U K U
o dodjeli ugovora u postupku javne nabave

I

Dodjeljuje se ugovor ponuđaču **“MIDDLE POINT” electronics d.o.o. Sarajevo, Ulica Džemala Bijedića broj 35, 71000 Sarajevo** u postupku javne nabave usluga servisiranja kontradiverzione opreme.

II

Ponuđač iz tačke I ove odluke dostavio je ponudu s najnižom cijenom u skladu sa člankom 64. stavak (1) tačka b) Zakona o javnim nabavama Bosne i Hercegovine.

O b r a z l o ž e n j e

Ministarstvo pravde Bosne i Hercegovine je 09.08.2018.godine pokrenulo konkurentski postupak nabave usluga servisiranja kontradiverzione opreme, izvršilo objavu 10.09.2018.godine na portalu javnih nabava Agencije za javne nabave Bosne i Hercegovine (www.ejn.gov.ba) i uputilo pozive ponuđačima na tri različite adrese za učešće u predmetnoj nabavi.

U ostavljenom krajnjem roku za dostavljanje ponuda pristigla je samo jedna ponuda i to od ponuđača **“MIDDLE POINT” electronics d.o.o. Sarajevo, Ulica Džemala Bijedića broj 35, 71000 Sarajevo**.

Povjerenstvo za javne nabave Ministarstva pravde Bosne i Hercegovine (u daljem tekstu: Povjerenstvo) je izvršilo analizu i procjenu dokumentacije uz pristiglu ponudu i utvrdilo da dostavljena ponuda ispunjavaju formalno-pravne i tehničke uvjete navedene u tenderskoj dokumentaciji te da se kao takva smatra prihvatljivom.

Međutim ukupna cijena ponude ponuđača **“MIDDLE POINT” electronics d.o.o. Sarajevo** u iznosu od 20.840,00 KM bez PDV-a, viša je od procijenjene vrijednosti predmetne nabave utvrđene tačkom 2.1.2. tenderske dokumentacije u iznosu do 16.239,32 KM bez PDV-a.

Povjerenstvo je dalje konstatiralo da je tačkom 2.1.6. tenderske dokumentacije propisano da se za predmetnu nabavu predviđa e-aukcija u skladu sa Pravilnikom o uvjetima i načinu korištenja e-aukcije (“Službeni glasnik BiH” broj: 66/16).

Člankom 3. stavak (3) Pravilnika o uvjetima i načinu korištenja e-aukcije propisano je da se u slučaju prijema jedne prihvatljive ponude e-aukcija se ne može zakazati, nego se postupak okončava u skladu sa člankom 69. Zakona o javnim nabavama (Prestanak postupka javne nabave).

Člankom 69. stavak (1) Zakona o javnim nabavama ("Službeni glasnik BiH" broj: 39/14) propisano je da se postupak javne nabave može okončati: a) zaključenjem ugovora o javnoj nabavi ili okvirnog sporazuma ili b) poništenjem postupka javne nabave.

Prema stavu Agencije za javne nabave Bosne i Hercegovine u situaciji kada cijena najniže ponude prekoračuje budžet ugovornog tijela za konkretnu nabavu, ugovorno tijelo može izabrati jedan od dva jednako raspoloživa izbora: da se poveća budžet i dodijeli ugovor ili da se postupak poništi u skladu sa zakonskim odredbama.


Budući da je za predmetnu nabavu pristigla samo jedna ponuda, a u cilju zauzimanja stava o načinu okončanja postupka, Povjerenstvo je internim aktom od 24.09.2018.godine od Sektora za kadrovske, opće i finansijsko materijalne poslove zatražilo mišljenje o tome da li je Ministarstvo pravde Bosne i Hercegovine u mogućnosti povećati iznos budžeta namijenjen nabavi usluga servisiranja kontradiverzione opreme za potrebe Odjela sudbene policije i Pritvorske jedinica Zavoda za izvršenje kaznenih sankcija Ministarstva pravde BiH za iznos od 4.600,68 KM, kolika je razlika između ponuđene cijene jedinog ponuđača i procijenjene vrijednosti navedene nabave.

Sektor za kadrovske, opće i finansijsko materijalne poslove je Povjerenstvu povodom gore navedenog, internim aktom (e-mail) od 13.11.2018.godine, dostavio pozitivan odgovor.

Slijedom rečenog, a budući da je u konkretnom slučaju pristigla samo jedna ponuda i da je ponuda prihvatljiva, odnosno da ispunjava sve formalno pravne uvjete navedene u tenderskoj dokumentaciji te da je Sektor za kadrovske, opće i finansijsko materijalne poslove potvrdio da je Ministarstvo pravde BiH u mogućnosti povećati iznos budžeta namijenjen predmetnoj nabavi, Povjerenstvo jednoglasno preporučuje ministru pravde BiH da se u predmetu javne nabave usluga servisiranja kontradiverzione opreme donese Odluka o dodjeli ugovora ponuđaču "**MIDDLE POINT**" electronics d.o.o. Sarajevo, Ulica Džemala Bijedića broj 35, 71000 Sarajevo, sa ukupnom cijenom od 20.840,00 KM bez PDV-a.

Uzimajući u obzir naprijed navedeno, odlučeno je kao u dispozitivu odluke.

Pouka o pravnom lijeku: svaki ponuđač koji ima legitiman interes za konkretan ugovor o javnoj nabavi i koji smatra da je Ministarstvo pravde Bosne i Hercegovine u tijeku konkretnog postupka dodjele ugovora, prekršilo jednu ili više odredbi Zakona o javnim nabavama i/ili podzakonskih akata, ima pravo uložiti žalbu ministru pravde Bosne i Hercegovine na postupak u pisanoj formi, u roku od 5 (pet) od dana kada je primio odluku, odnosno obavještenje o rezultatima postupka nabave.

The seal is circular with the text "MINISTARSTVO PRAVDE BOSNE I HERCEGOVINE" around the perimeter and a central emblem. A signature is written over the seal.
MINISTAR
Josip Grubeša